

卯	申
十	癸
亥	巳

歲孟冬吳昌碩篆時年七十九

庚申八月開鐫
壬戌十月刊成

序

世稱明韓邦靖朝邑縣志文省而事不漏後之作者未能或先按其體例實淵源於宋常棠澠水志夫以鄉鎮小志立志乘之極軌而能用其法者自朝邑志後莫之能繼此劉知幾所以歎史才之難也然鄉鎮志實較郡縣爲尤難分一縣之片壤爲偏隅之別乘稍溢則濫過略則陋苟無史才以緯之鮮能免於二者之譏要以闡幽舉墜足資觀感則志家之通義也南潯在烏程縣東境介江浙間水陸交通人物殷阜史遷所謂綰轂之口與海鹽之澌水同爲浙西繁鎮而學術遞禪軒冕重襲代有傳人又文獻之所萃也咸豐間汪丈謝城輯鎮志四十卷搜討既富審擇尤精不濫不陋足與澠志並傳春秋代運迄今又六十

南潯志

劉序

一

年矣余於光緒季年在里稍輯遺聞冀整齊散佚續成一編顧以名作在前遽巡未果迨辛亥政變而官書吏牘半付劫灰卽職官一門已難稽考始悔前者之過於矜慎爲坐失事機也同里周夢坡廣文睠懷鄉社銳意編纂斟酌舊例增立門類釐爲六十卷不數年而告成余於全書雖未細加檢閱而赴事之勇撫衷實增慙焉比年各邑競起修志大都進銳退速鮮克有終時會遷流罔知所屆及今不爲更歷數十年後文獻無徵其搜輯有倍難者夢坡之汲汲從事殆有鑒於是歟夫今之鄉鎮猶古之州黨州黨之下尙有族有閭有比夢坡以吾潯所屬十二莊爲一鄉區變通汪志擴而廣之亦猶周禮遺意周制族師閭胥屬民讀法書其孝弟睦姻敬敏任恤者以達於州黨是故教

成於下俗尙茂美孔子曰吾觀於鄉而知王道之易易誠以天下者一鄉之積觀一鄉則天下可知以今日橫流之勢滔滔皆是識者常有人心世道之憂吾潯風氣素馴多礪礪自守之士蓋鄉先生之流澤長也今則漸趨浮競閭巷市井皆非昔日景象殆運會使然夢坡是編其義例精審未知視澈志何如而掇拾舊聞闡揚潛德俾里中人士展卷興慕潛動其先民桀黠之思是其有神風化爲功於桑梓者實非淺鮮余旣獲觀其成藉慰平生之願又冀吾潯習尙漸返於純樸也故樂爲序之壬戌季冬劉錦藻

序

南潯爲湖郡鄉區接壤蘇之震澤周圍不過十數方里而鎮居東南園閘撲地孳貨委闔爲吾浙鄉鎮最當明之季先後官閣部者若而人金紫貂蟬海內宗仰泊乎本朝功名稍稍替矣而窮經皓首閉戶著書者又若而人至咸同之際貿遷起家者亦實繁有徒豈地靈使然歟咸豐季年汪謝城世丈有南潯鎮志之輯丈故名宿先爲潯輯都四十巨冊乃櫟括以成由博返約體例謹嚴識者推爲善本寒燠遞遷新陳代謝補苴掇拾責在後人會辛亥國變慶雲蟄居海角坐閱滄桑慮鄉邦文獻日就湮沒欲爲續志之輯然距汪志成時已甲子將周中經兵火網羅散佚尤屬不易且纂述亦難其選會章一山左丞書來介秀

南潯志

自序

一

水陶拙存參議任其事參議博聞彊記精於史學爲余所心折乃躬爲延聘參議謂一鄉之故實惟鄉之人知之最悉若他邑人爲之則隔閼而舛誤必多固卻之退而商諸蔣殿襄茂才殿襄又遜謝堅請始允任蒐輯之役並要慶雲總其成先是劉澂如學士與紀仲景明經有備志之撮錄則舉其大綱殿襄於篋衍出南林屑一書甄采遺聞旁證說部雖卷數未經釐訂而淹雅可觀旣任事又復博搜精掇凡三易寒暑而成端楷稿本若干冊授慶雲慶雲不揣謏陋刪其繁蕪補其缺略將各稿類次而排比之從史家斷代例以宣統三年爲止而體例則依汪志惟汪志志鎮而慶雲兼志鄉蓋本南潯十二莊爲一鄉區視汪志則稍廣矣稿垂成且刻且纂又閱四年而殺青操觚率爾其

疏略紕繆殆不能免惟冀鄉父老昆弟諒其一手足之爲烈起
而是正之豈惟慶雲私幸也哉里人周慶雲序於海上晨風廬

南潯志

自序

南潯志凡例

一汪志以鎮爲限故曰南潯鎮志然限以內不盡屬諸鎮限以外仍有南潯鄉之區域則限而未斷也此志以南潯鄉所屬十二莊爲限故曰南潯志

一此志旣不以鎮爲限卽不能爲汪志之續乃采輯鎮以外及汪志以後之掌故益以汪志所有者而成此志

一此志采輯自宋元明以至宣統辛亥爲止其生存人之著述詩文概不攔入惟援引雜識其信而有徵者雖生存亦采從汪志例也

一汪志略漏者補之如宋元明之職官爲最要舛誤者正之分見各類小注汪志公

署包涵學校義舉今事實增多乃依類分卷汪志無村莊而

南潯志 凡例

以西莊村鰲里附入鎮區今旣加入鄉區則村莊應自爲一門查范志古蹟園第分兩門汪志從府志例概入古蹟今園林有近人建築者似不可併入古蹟園第又不相聯貫故分古蹟宅第園林爲三類汪志但有節烈其非節非烈而女箴婦德可以風世者亦不乏人今改爲列女以廣之汪志集文集詩不分邑人與邑外人今邑外人與邑人各分兩卷汪志志餘載史案篇幅已多今又摭采不少故提出別爲大事記並拐案粵匪槍匪連類及之又提出關於詩話者兩卷仍附志餘之末其變更有因非妄爲增損也

一汪志分疆域沿革公署河渠水利衢巷橋梁古蹟寺廟祠墓

坊表人物寓賢方外職官選舉薦舉歷仕封贈廕襲附節烈災祥農桑

風俗物產碑刻著述集文集詩志餘凡二十五類附見者六
編爲四十卷此志增學校村莊宅第園林卹贈商勳義舉大
事記改節烈爲列女凡三十五類薦舉歷仕封贈
廕襲各自爲類附見者三
編爲六十卷

題辭

荅夢坡書

甯海章 校一山

前惠大著南潯志遲未卽復爲歉頃略讀一過取材富贍隸事亦均有分別一尤之士張大若此汪謝城盡其能公又擴而充之多學博聞後先濟美成此巨著海內無第二鄉志能與抗衡長才未可以斗石計私幸去冬壽公詩不爲溢量至深欽佩中有譌字大約聲近而從者多須加校改正以盡美善

又

興化李 詳審言

別經半歲昨始來滬卽承賜南潯志一裹體例精審規撫自古較之謝城書爲完備不獨如驂之靳而已翰怡石銘皆流傳古書先生自出機杼討論乙部玉山之集旣冠東南金鎖之藏遠

南潯志

題辭

一

師誦訓信可追美潯川希蹤吳地歡喜贊歎夫何足云志中尙有誤文容謀獻替茲因陳謝之言附寫鄙臆亦士申知己之一耳

又

南通張 謇 齋翁

徐生昨歸敬承起居康勝纂述夥頤研翠墨以滋古歡拂朱絃而增雅韻辱惠大著南潯志六十卷甄采閎博體例明備不惟掌故徵文抑且史家餘裔遠師潯水近法北湖雖同爲村鎮之編而乃有詳略之異蔚然巨帙信可觀焉南通圖志斷手已久流目匪遙裝竟當寄奉左右也

南潯志目錄

卷首

圖

卷一

疆域沿革附

卷二

公署會館公所附

卷三

學校

卷四

河渠水利附

南潯志

目錄

一

卷五

衢巷

卷六

村莊

卷七

橋梁

卷八

古蹟

卷九

宅第一

卷十

宅第二

卷十一

園林

卷十二

寺廟一

卷十三

寺廟二

卷十四

寺廟三

卷十五

寺廟四

南潯志

目錄

二

卷十六

祠墓

卷十七

坊表

卷十八

人物一

卷十九

人物二

卷二十

人物三

卷二十一

人物四

卷二十二

寓賢

卷二十三

方外

卷二十四

列女一

卷二十五

列女二

卷二十六

職官

南潯志

目錄

三

卷二十七

選舉

卷二十八

災祥一

卷二十九

災祥二

卷三十

農桑一

卷三十一

農桑二

卷三十二

物產

卷三十三

風俗

卷三十四

義舉一

卷三十五

義舉二

卷三十六

碑刻一

卷三十七

碑刻二

南潯志

目錄

四

卷三十八

碑刻三

卷三十九

碑刻四

卷四十

著述一

卷四十一

著述二

卷四十二

大事記一

史案一

卷四十三

大事記二 史案二

卷四十四

大事記三 史案三 拐案

卷四十五

大事記四 粵匪 槍匪附

卷四十六

集文一

卷四十七

集文二

卷四十八

集詩一

南潯志

目錄

五

卷四十九

集詩二

卷五十

志餘一

卷五十一

志餘二

卷五十二

志餘三

卷五十三

志餘四

卷五十四

志餘五

卷五十五

志餘六

卷五十六

志餘七

卷五十七

志餘八

卷五十八

志餘九

卷五十九

志餘十

詩話

南潯志

目錄

六

卷六十

志餘十一


詩話


此志發端附潯溪小學爲纂修之所延人繕錄蔣殿襄文
助主持其間徵求採訪十餘人而應者寥寥會殷襄因事
來滬下榻敝廬蒐采不懈而李希民宗賢紀仲景福壽吳
彥臣鈺朱桂題允中及余猶子子美延年或展卷撫採或
赴地訪問各有投稿潘若毓麟書則任測繪之役並延無
錫顧蕓吾廣熙爲總校無錫秦滌塵國璋爲參校又輸資
刊印者爲張定甫寶善劉澂如錦藻劉翰怡承幹龐萊臣
元濟邢穗軒盛張石銘鈞衡梅祗安履泰梅祉荷履中余
亦薄有補助例得備書壬戌九月周慶雲識

跋

南潯志刊於庚申八月至壬戌十月而告成其刻資爲吾鎮同好所欽助初印百部分貽已訖甲子夏擬續爲刷印其板片移交杭州琵琶街近文齋刻字舖不意六月初九之夕該齋爲鄰居失慎延燒板片事後檢點僅存十之一五不得已將原本影刻逾兩年之久始得藏事計重刊五十九萬八千一百七十五字費九百五十七元有奇皆慶雲獨力任之不特此也予戚盛澤仲氏有盛湖志屬予經理代刻甫竣事同時付之劫灰齋主張蓮舟力不能償亦予爲出資重刻附記於此戊辰四月慶雲識

南
澤
鎮
鄉
圖





圖總

